

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10 i 3/23), članovima 3. i 10 stav (7) Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“, broj: 20/20 i 14/21) i Kriterija za izbor i imenovanje predsjednika i članova Komisije za osnivanje Ureda za javne nabavke Vlade Zeničko-dobojskog kantona, broj: 02-30-6494/24 od 29.03.2024. godine, na prijedlog Ureda premijera, Vlada Zeničko-dobojskog kantona, na 22. sjednici, održanoj dana 29.03.2024. godine, d o n o s i

RJEŠENJE

o imenovanju predsjednika i članova Komisije za osnivanje Ureda za javne nabavke Vlade Zeničko-dobojskog kantona

Član 1. **(Sastav Komisije)**

(1) Imenuje se Komisije za osnivanje Ureda za javne nabavke Vlade Zeničko-dobojskog kantona (u daljem tekstu: Komisija) u sastavu:

- Nedžad Mulagić, predsjednik, Stručna služba Vlade,
- Mirsad Čizmić, član, Kantonalna uprava za inspekcijske poslove,
- Enesa Krdžalić, član, Služba za zajedničke poslove.

(2) Administrativno-tehničke poslove za potrebe Komisije obavljat će namještenica Venira Alihodžić.

Član 2. **(Nadležnost Komisije)**

(1) Nadležnost Komisije je da izradi proceduru za uspostavu Ureda za javne nabavke Zeničko-dobojskog kantona (u daljem tekstu: Ured), što podrazumijeva:

- izrada analize stanja sa preporukama za uvođenje centralizovanih javnih nabavki u Zeničko-dobojskom kantonu,
- izraditi Prijedlog predmetnih nabavki koje bi se provodile u Uredu,
- izrada Prijedloga „Uredbe o osnivanju Ureda za javne nabavke Zeničko-dobojskog kantona“,
- izrada Prijedloga materijala za usvajanje na sjednici Vlade Zeničko-dobojskog kantona o usvajanju.

(2) Sva izrađena dokumentacija iz stava (1) ovog člana se dostavlja Uredu premijera u pisanoj i elektronskoj formi.

Član 3. **(Način rada Komisije)**

Način rada, odlučivanja i druga pitanja od značaja za rad i organizaciju Komisije uređuje se Poslovníkom o radu Komisije.

Član 4. **(Mandat Komisije)**

Mandat Komisije traje do okončanja zadatka.

Član 5.
(Naknade za rad Komisije)

(1) Predsjedniku i članovima Komisije, utvrđuje se pravo na naknadu za rad u Komisiji, u neto iznosu od 200,00 KM, uz uslov da se komisija održi najmanje dva puta u mjesecu.

(2) Pravo na naknadu imaju samo članovi Komisije koji su prisustvovali sjednicama Komisije, a do okončanja radnog zadatka.

(3) Osoba koja će obavljati administrativno-tehničke poslove za potrebe Komisije, ima pravo na naknadu u visini od 70% od naknade koja je utvrđena za jednog člana Komisije.

(4) Zahtjev za isplatu naknade, uz prethodnu saglasnost premijera Zeničko-dobojskog kantona, podnosi se Ministarstvu finansija, zajedno sa zapisnikom održanih sjednica i kopijom odluka donesenih na održanim sjednicama.

(5) Sredstva za rad Komisije isplati će se iz Budžeta Zeničko-dobojskog kantona sa razdjela 11 - Ured premijera, budžetska organizacija 01, potrošačka jedinica 0001, ekonomski kod 613900, pozicija „Izdaci za komisije, zastupnike i druge samostalne djelatnosti”, na račune imenovanih navedene u Zahtjevu za isplatu.

Član 6.
(Izveštaj o radu)

Izveštaj o radu Komisije sa izrađenom procedurom i potrebnom dokumentacijom, dostavlja se premijeru Zeničko-dobojskog kantona.

Član 7.
(Stupanje na snagu i objava)

Rješenje stupa na snagu danom donošenja i objavit će se u “Službenim novinama Zeničko-dobojskog kantona”.

Broj: 02-30-6532/24
Datum, 29.03.2024. godine
Zenica

PREMIJER

Nezir Pivić

DOSTAVLJENO:
1x Ured premijera,
1x Imenovanim, putem Ureda,
1x „Službene novine Zeničko-dobojskog kantona“,
1x a/a.